



Շուշանիկ Կուրդիսյան

Հավերժական գրույցներ

Թող օրինվի պայքարն անհաշտ

Մտքերի .

Եվ չգիշող պահանջները

Ալեկոծ .

Ե՛վ տարածամ հորձանքն անգուսպ

Կրքերի,

Կյանքն՝ անարժեք, ճիչն՝ հուսահատ,

Լացն ու կոծ .

Երբ երկնում է՝ ցավն է լափում

Ամեն ինչ .

Երկունքի դեմ գենք մեկնելու

Չիք ոչինչ . . .

Ընկերացած ամբոխն ահա

Աներկյուղ

Ավերում է ապարանքներ,

Շեն ու գյուղ .

Հոր կերտածը որդին կանե

Հիմնատակ,

Եղբոր սրից եղբայրն է հեզ

Նահատակ:

Երբ երկնում է՝ պիտի ծնվի

Անարգելք .

Երկունքով միշտ լուծվում է պարզ

Ամեն էլք . . .
Հայրենիքներ ընկան, էլան
Եվ կրնկնեն .
Ազգերն անփորձ նոր պատրանքներ
Կը գտնեն:
Եվ ոճրագործ հերոսների
Վաշտերով
Մահ կը շրջեն դալարագարդ
Դաշտերով:
Երբ երկնում է՝ լինում է ցավ
Եվ արյուն .
Երկունքով է ծնվում կյանքին
Այգ, գարուն . . .
Ու երբ հանգչի մարդը հզոր,
Գերիմաստ,
Բաղձանքների թափը լինի
Վեհ, զգաստ՝
Ա՛հ, ապրեի գեթ մի վայրկյան,
Ակնթարթ,
Իրավունքիս սրբազան տեր,
Ազա՛տ մարդ՝
Երբ երկնում էր՝ ես խոստացա
Ողջակեզ,
Որ քե՛զ համար մնամ կայուն,
Սիրեն քեզ . . .

1918 թ. 17 դեկտեմբերի